



Intun paîs dal Friûl di mieç al viveve Checo; al jere un pôc stramp e par chest al jere miôr cognossût come Checo mat.

Nol jere trist e ogni tant ancje al lavorave come sb lancjin, ma al jere une vore quartât pal butilion e cussì dispès al tacave un lavôr e no lu quartave a fin. Cuanche la int si è stufade di dâi un acont e no viodi a finî il lavôr, e à dismetût di clamâlu.

Cussì in cjase sô la miserie e faseve di parone, ma dut cês la sô femine che e jere inmò bieles e prosperose e spesseave a fâ fruts. No si sa ben se a jerin ducj di Checo o di cualchi benefatôr, che al leve a cjatâle cuntune sporte di verdure o cun cualchi salam.

Checo nol faseve cês e al cjapave dut ce che la providence i mandave.

Ven a stâi che une dì Checo al veve di quartâ i fruts, chei plui granduts, a cjatâ une agne che, pûr di viodiju i veve prometût un pocj di patatis. Cussì 'nt cjarie un trê sul cjaruç che al jere simpri peât daûr de moto e che i siervive par quartâ i bidons di colôr o i lens pal spolert, che al leve a fâ dulà che si cjatavin, cence domandâ il permès al paron.

Sô agne e steve intun paîs a cinc kilometris e la strade e jere asfaltade, ma ancje plene di busis.

Checo al veve une vuide une vore vivarose, come il so solit, e se al jere ancje un pôc bevucjât po nol faseve nancje i stops. Po ben, rivât a cjase di sô agne al ferme la moto e si zire par tirâ jù i fruts dal cjaruç.

“Orpo!” i scjampe, “No ‘nd vevio cjariâts trê?”. Sul cjaruç a ‘nd jere nome un. “Forsit ju ai pierdûts pe strade!” al pense. Al zire la moto e al torne indaûr, corint come un sfolmenât.

Fat cualchi kilometri, di lontan al viôt sentâts sul asfalt in mieç de strade i doi fruts, trancuî come papis e che a riduçavin come nuie fos sucedût.

Checo nol stâ tant a fâsi scrupui par pericul che a vevin riscjât i fruts, ju cjame sù e al torne di buride là di sô agne che ju spiete su la puarte di cjase, cul sac di patatis.

Checo nol à plui pierdût i fruts pe strade; di chê volte ju à simpri peats cul filistrin.

di Pauli Jacuss